

Zakoni i zakonske regulative koje regulišu zdravstvenu zaštitu i medicinsku pomoć

Zakon o biobankama

Ponekad pacijenti moraju dati uzorke, kao što su uzorci krvi ili biopsije. Određeni uzorci se pohranjuju kako biste vi, pacijent, dobili najbolju moguću negu. Oni se također mogu koristiti u istraživačke svrhe.

Pojedinci su slobodni da odluče da li žele da pohrane svoje uzorke. To spada pod Zakon o biobankama. Da biste o tome saznali više pozovite: 0470-58 75 13 ili pošaljite e-poštu za Marie Jadner, koja je službenik biobanke u Okrugu Kronoberg.

LPT Zakon (Zakon o obaveznoj zaštiti lica s mentalnim poremećajima)

Lice koje je duševno bolesno može se predati na brigu, u skladu s gore navedenim zakonskim propisima. Da bi se ovaj zakon mogao primeniti, to lice mora patiti od ozbiljnog psihičkog poremećaja i biti psihotično, što znači da je izgubilo dodir sa stvarnošću i predstavlja opasnost i po sebe i po okolinu. Kako bi se ovaj zakon mogao primijeniti, to lice prvo mora da svojom voljom odbije zdravstvenu pomoć.

Saznajte više o LPT Zakonu na web stranici 1177.se

LRV Zakon (Zakon o sudskom staranju o licima s mentalnim poremećajima)

U određenim slučajevima pojedinac koji je duševno bolestan može se predati na sudsku ili kaznenu brigu za mentalno zdravlje. To se primenjuje ako je to lice počinilo ozbiljan zločin i bilo podvrgnuto psihijatrijskom pregledu na kojem se pokazalo da taj pojedinac boluje od ozbiljnog psihičkog poremećaja.

Saznajte više o LRV Zakonu na web stranici Parlamenta: riksdagen.se

Pravo na odabir zdravstvene zaštite

Postoji veći broj zakona koji regulišu pravo na odabir zdravstvene zaštite bolesnika.

Pravo na odabir zdravstvene zaštite

Pojedinci su slobodni da u Švedskoj odaberu svoju zdravstvenu zaštitu. To znači da lice s uputnicom za specijalistu može lečiti centar za primarnu zdravstvenu zaštitu ili specijalistički odjel, već po vlastitom izboru. To vredi za okruge u kojima oni borave, a također i za druge okruge/regije. Lica koja zaštitu traže na drugim mestima su obavezna da plate prevoz do i od ustanova zdravstvene zaštite, a primenjuje se i tekuća prioritarna lista čekanja za odabrani okrug/regiju.

Saznajte više o pravu na odabir zdravstvene zaštite na web stranici SKL-a: skl.se

Zakon koji reguliše sistem prava na odabir

Švedski zakon sadrži pravila koja uređuju ono što se odnosi na opštine i okruge koji žele da njihove aktivnosti konkurišu jedna drugoj. To znači da su svi pacijenti slobodni da odaberu ko će ih lečiti i ko ispunjava njihove zahteve i potrebe u pogledu zdravstvene zaštite.

Saznajte više o pravu na odabir zdravstvene zaštite na web stranici SKL-a: skl.se

Ostale zakonske regulative

- Švedski Zakon o zdravstvenoj i medicinskoj pomoći
- Lex Maria
- Zakon o zaštiti privatnosti pacijenta
- Zakon o ličnim podacima
- Zakon o službenim tajnama

Saznajte više o zakonima i zakonskim propisima na web stranici socialstyrelsen.se